



BOLETÍN OFICIAL DO PARLAMENTO DE GALICIA

Número 200

VII lexislatura

18 de setembro de 2006

SUMARIO

(Versión electrónica en www.parlamentodegalicia.es)

1. Procedementos de natureza normativa

1.2.1. Proxectos de lei

Informe da Ponencia sobre o Proxecto de lei de modificación da Lei 4/1997, do 25 de xuño, de caza de Galicia. 21537

3. Procedementos de control e impulso

3.6. Proposicións non de lei

3.6.2. Proposicións non de lei en Comisión

3.6.2.3. Proposicións aprobadas

- 07/PNC-0133 (7782)

Grupo Parlamentario do Bloque Nacionalista Galego
Parga Núñez, Manuel, e dous deputados máis
Sobre as coidadoras e os coidadores nos centros de ensino

21542

- 07/PNC-0163(10434)

Grupo Parlamentario do Bloque Nacionalista Galego

Paz Franco, María Tereixa, e dous deputados máis

Sobre a necesidade de realizar melloras no CEP Brea Segade de Taragoña, Rianxo.

21543

- 07/PNC-0131 (7754)

Grupo Parlamentario do Bloque Nacionalista Galego

Sobre a elaboración dun plan para a intervención no caso de sinistros de buques de pasaxe

21543

3.6.2.4. Proposicións rexeitadas

- 07/PNC-0085 (2764)

Grupo Parlamentario Popular de Galicia

López Besteiro, Manuela

Sobre a necesidade de que se establezan bolsas para estudar idiomas no estranxeiro

21543

- 07/PNC-0121(6148)

Grupo Parlamentario Popular de Galicia
Gómez Alonso, Alejandro, e dous deputados máis
Sobre o outorgamento da Medalla de Ouro de Galicia a título póstumo a Avelino Cachafeiro e aos gaiteiros de Soutelo 21543

- 07/PNC-0151(9608)

Grupo Parlamentario Popular de Galicia
Bernardo Tahoces, Ángel e 2 deputados máis
Sobre a posta en marcha dun terceiro punto de atención continuada para cubrir a zona do Val do Dubra, na parte norte de Santiago de Compostela 21543

- 07/PNC-0158(10060)

Grupo Parlamentario Popular de Galicia
Balseiro Orol, José Manuel
Sobre o cumprimento dos compromisos adquiridos e a adopción das medidas precisas para a creación e posta en funcionamento dun punto de atención continuada en Foz 21543

- 07/PNC-0165 (10918)

Grupo Parlamentario Popular de Galicia
Balseiro Orol, José Manuel, e Ruíz Rivas, Manuel Santos
Sobre a adopción das medidas e previsións precisas para lles posibilitar o acceso ás axudas do Plan de recuperación do polbo aos titulares e ás tripulacións de embarcacións que teñan liña e cordel 21543

1. Procedementos de natureza normativa

1.2.1. Proxectos de lei

Informe da Ponencia sobre o Proxecto de lei de modificación da Lei 4/1997, do 25 de xuño, de caza de Galicia.

De conformidade co disposto nos artigos 65 e concordantes do Regulamento da Cámara, ordénase a publicación no *Boletín Oficial do Parlamento de Galicia* do Informe da Ponencia sobre o Proxecto de lei de modificación da Lei 4/1997, do 25 de xuño, de caza de Galicia.

Santiago de Compostela, 15 de setembro de 2006
Dolores Villarino Santiago
Presidenta

Informe da Ponencia sobre o Proxecto de lei de modificación da Lei 4/1997, do 25 de xuño, de caza de Galicia.

A Ponencia designada pola Comisión 2.^a, Ordenación Territorial, Obras Públicas, Medio Ambiente e Servizos, para emitir informe sobre o Proxecto de lei de modificación da Lei 4/1997, do 25 de xuño, de caza de Galicia, nas reunións e cos acordos que a continuación se indican, á vista do texto do proxecto e das emendas presentadas ao seu articulado, elaborou, para o seu debate perante o dito órgano, este

INFORME

1

Antecedentes

1.- O proxecto de lei tivo entrada no Rexistro do Parlamento o día 28 de abril de 2006, co número de rexistro 6816.

2. A Mesa do Parlamento, na reunión do día 2 de maio de 2006, dispuxo a súa publicación no *Boletín Oficial do Parlamento de Galicia* (BOPG núm. 133, do 5 de maio de 2006) e a apertura do prazo de presentación de emendas, que rematou os días 24 de maio e 3 de xuño de 2006, para as emendas á totalidade e ao articulado respectivamente.

Así mesmo, oída a Xunta de Portavoces, acordou a súa tramitación pola Comisión 2.^a, Ordenación Territorial, Obras Públicas, Medio Ambiente e Servizos.

3. As emendas presentadas —cualificadas pola Mesa da Comisión na sesión do 8 de xuño de 2006 e publicadas no BOPG núm 157, do 9 de xuño de 2006 — foron un total de dúas emendas ao articulado, do G.P. Popular de Galicia (docs. núms. 9081 e 9087).

2

Constitución, composición e reunións da Ponencia

1. Constitución e composición da Ponencia.

A Comisión 2.^a, Ordenación Territorial, Obras Públicas, Medio Ambiente e Servizos, na sesión do día 12 de xuño de 2006, designou os seguintes ponentes:

- Do Grupo Parlamentario Popular de Galicia: don José Antonio Santiso Miramontes (titular) e don Jaime Castiñeira Broz (suplente).

- Do Grupo Parlamentario dos Socialistas de Galicia: dona Laura Seara Sobrado (titular) e dona María Soledad Soneira Tajés (suplente).

- Do Grupo Parlamentario do Bloque Nacionalista Galego: dona Ana Belén Pontón Mondelo (titular) e dona María Xosé Vega Buxán (suplente).

2. Reunións da Ponencia.

A sesión constitutiva da Ponencia tivo lugar o 14 de xuño de 2006, logo da convocatoria do presidente da Comisión 2.^a, Ordenación Territorial, Obras Públicas, Medio Ambiente e Servizos, coa asistencia dos seus ponentes titulares: Sr. Santiso Miramontes e Sras. Seara Sobrado e Pontón Mondelo.

Na seguinte reunión, que tivo lugar o día 13 de setembro de 2006, asistiron os ponentes titulares: Sr. Santiso Miramontes e Sras. Seara Sobrado e Pontón Mondelo. Nesta reunión analizaron a totalidade deste proxecto de lei así como as emendas parciais presentadas, na procura do achegamento das distintas posicións, e emitiron o informe da Ponencia incorporando unha suxestión de aceptación dunha emenda técnica xeral, e deixaron adiado para Comisión o pronunciamento sobre as dúas emendas parciais presentadas.

3

Elaboración do informe

A Ponencia, por unanimidade, recoméndalle á Comisión a aceptación dunha emenda técnica xeral nos termos que constan no texto articulado, consistente en uniformar as denominacións das divisións en apartados dos artigos e en subdividir en apartados o artigo 25 (artigo segundo, apartado cinco), así como en titular as disposicións transitoria e derradeira únicas.

4

Texto Articulado do Proxecto de lei de modificación da Lei 4/1997, do 25 de xuño, de caza de Galicia

Exposición de motivos.

A Lei 4/1997, do 25 de xuño, de caza de Galicia, foi o froito da asunción de competencias que fixo nesta materia o Estatuto de autonomía de Galicia. No seu momento, supuxo non só o exercicio da competencia lexislativa que se lle transferira a Galicia, senón tamén a oportunidade de regular a caza desde unha perspectiva máis próxima e, polo tanto, máis axeitada ao sentido de entendela no noso país.

Nestes últimos anos produciuse unha transformación moi importante da agrariedade galega. Un cambio propiciado por circunstancias de diversa índole social e económica, que transformou a superficie de labor e os seus cultivos e que tivo unha repercusión profunda nos ecosistemas e, da súa man, nas poboacións e nas especies vinculadas ao mundo de caza.

Reclamados polas novas circunstancias, tamén se produciron cambios lexislativos en ámbitos supraautonómicos, que inciden directamente no noso sistema xurídico e que obrigan ao seu cumprimento. Reformas en materias que son de competencia estatal e que informan, con carácter básico, sobre a regulación autonómica. Neste sentido, cómpre lembrar a Lei 17/2005, do 19 de xullo, pola que se regula o permiso e a licenza de condución por puntos e se modifica o texto articulado da Lei sobre tráfico, circulación de vehículos a motor e seguridade vial, que no seu artigo único, apartado vinte, incorpora unha disposición adicional novena cunha incidencia directa no ámbito da responsabilidade por danos ocasionados polas especies cinexéticas, prevista no artigo 23 da Lei 4/1997, do 25 de xuño, de caza de Galicia.

Noutro ámbito de cousas, tamén se procede á inclusión de determinadas matizacións no articulado desta lei, en concreto relativas á definición da acción de cazar, no que se substitúe a expresión “dar morte” pola de “cobralos”, á especificación da caza en zonas de seguridade, á posibilidade de autorización de caza menor con arma longa raiada ou á concreción da actividade de granxa cinexética. Así mesmo, incorpórase un novo artigo dedicado á actividade da taxidermia e establécense determinadas previsións relativas ás probas de detección alcohólica ou de substancias psicotrópicas ás que se poden someter os cazadores.

Preténdese con esta modificación legal darlles unha nova redacción a determinados preceptos legais da Lei 4/1997, do 25 de xuño, de caza de Galicia, así como incorporar novos preceptos relativos á actividade da taxidermia e ás probas de detección alcohólica ou de substancias psicotrópicas, mantendo tanto as liñas básicas fixadas pola devandita Lei 4/1997 coma a maioría do seu articulado.

Artigo primeiro.- Modificacións no título preliminar da Lei 4/1997, do 25 de xuño, de caza de Galicia

Modifícase o contido do artigo 2, que a seguir se relaciona, do título preliminar da Lei 4/1997, do 25 de xuño, de caza de Galicia, que queda redactado como segue:

“Artigo 2.- Acción de cazar

Considérase acción de cazar a actividade exercida polas persoas, mediante o uso de armas, artes ou outros medios autorizados, para buscar, atraer, perseguir ou acosar os animais que se declaren como pezas de caza, co fin de cobralos, apropiarse deles ou facilitar a súa captura por un terceiro.”

Artigo segundo.- Modificacións no título I da Lei 4/1997, do 25 de xuño, de caza de Galicia

Modifícanse os artigos que a seguir se relacionan do título I da Lei 4/1997, do 25 de xuño, de caza de Galicia, que quedan redactados como segue:

Un.- Modifícase o contido do apartado 2 do artigo 8, que quedará redactado como segue:

“ 2.- Exclúense desta consideración todos aqueles que constitúen núcleos urbanos ou rurais, vilas, xardíns, parques destinados ao uso público, recintos deportivos, instalacións fabrís ou industriais, estradas, vías férreas ou calquera outro lugar que sexa declarado non cinexético en razón das súas especiais características e no que o exercicio da caza deba estar permanentemente prohibido.”

Dous.- Modifícase o contido do apartado 2 do artigo 13, que quedará redactado como segue:

“2.- A superficie mínima e continua dos tecor será de dúas mil hectáreas, e a duración do seu réxime especial será a do prazo de cesión dos dereitos cinexéticos, que en ningún caso será menor de cinco anos, nin superará os vinte e cinco anos, ao cabo dos que se extinguirá o tecor, agás que se proceda á súa renovación, de acordo co que se dispoña regulamentariamente.

O réxime cinexético especial dos tecor manterase, malia a perda de dereitos cinexéticos sobre determinados terreos que o integren, sempre que a superficie restante non sexa inferior á mínima sinalada no parágrafo anterior. Sen prexuízo do disposto anteriormente, calquera cambio na titularidade cinexética da totalidade ou parte dos terreos comprendidos no tecor deberalle ser comunicado á administración no prazo e nas condicións previstos regulamentariamente.

Co fin de fomentar as poboacións cinexéticas, os tecor manterán como vedado de caza unha superficie mínima do 10% dos seus terreos. Estes vedados de caza deberán manter os mesmos lindeiros, polo menos, durante dous anos consecutivos.”

Tres.- Modifícase o contido do apartado 3 do artigo 21, que quedará redactado como segue:

“3.- Nas explotacións cinexéticas de carácter comercial, que deberán constituírse como empresas mercantís, poderán exercitarse a caza sobre animais procedentes de granxas cinexéticas ou doutros establecementos autorizados, tales como parques de voo, cercados de aclimatación, biótopos, etc., de conformidade cos plans establecidos e previamente aprobados pola Consellería de Medio Ambiente e Desenvolvemento Sostible.

A superficie mínima para poder autorizar este tipo de explotacións é de cincuenta hectáreas, se se dedican a caza menor, e de cen hectáreas cando o obxecto da explotación sexa a caza maior.

Os titulares destas explotacións deberán de sinalazalas de acordo coa normativa regulamentaria, que para tal efecto se dite, e, en todo caso, están obrigados a sinalizar os terreos que se atopen dentro do perímetro da explotación e dos que non se dispoña de autorización expresa dos seus titulares, para o seu aproveitamento cinexético.

Para autorizar unha explotación cinexética comercial é imprescindible contar coa titularidade cinexética da totalidade dos terreos, en superficie continua, sobre os que pretende constituírse. Cando estas autorizacións afecten espazos naturais protexidos, o promotor deberá presentar un proxecto para efectos de que o órgano ambiental decida en cada caso, consonte co previsto no artigo 1.2 da Lei 6/2001, do 8 de maio, de modificación do Real decreto legislativo 1302/1986, do 28 de xuño, de avaliación de impacto ambiental, de xeito motivado e público e consonte cos criterios do anexo III deste real decreto, se estes proxectos deben someterse ou non a unha avaliación de impacto ambiental.

Por vía regulamentaria determinaranse as condicións nas que esta actividade poida desenvolverse, e en especial as referentes a controis xenéticos e sanitarios, requisitos para realizar as soltas, época e frecuencia destas, marcaxe das pezas, modalidades de caza, requisitos para o seu transporte e cantas outras se consideren pertinentes.”

Catro.- Modifícase o contido do artigo 23, que quedará redactado como segue:

“Artigo 23.- Indemnizacións por danos

1.- En accidentes de tráfico ocasionados por atropelo de especies cinexéticas os danos persoais e patrimoniais atentan ao disposto na normativa estatal en materia de seguridade vial existente ao respecto.

2.- Os titulares de aproveitamentos cinexéticos de terreos suxeitos a réxime cinexético especial responderán nos demais casos dos danos ocasionados polas especies cinexéticas.

A Consellería de Medio Ambiente e Desenvolvemento Sostible, logo da instrución do correspondente expediente de valoración, indemnizará os danos efectivamente producidos polas especies cinexéticas dos terreos cinexéticos de aproveitamento común, dos tecor autonómicos da súa administración, das reservas de caza, dos refuxios de fauna e de calquera outro terreo no que a administración e xestión lle correspondan.”

Cinco.- Modifícase o contido do artigo 25, que quedará redactado como segue:

“Artigo 25.- Descrición das zonas de seguridade

1. Para os efectos do establecido no artigo 8.3 desta lei, consideraranse zonas de seguridade:

a) As marxes e zonas de servidume que se atopen cercadas das vías e camiños de uso público e as vías férreas.

b) As augas públicas, incluídos os seus leitos e marxes, nunha franxa de cinco metros do límite das maiores enchentes ordinarias.

c) Os perímetros dos núcleos urbanos e rurais e doutras zonas habitadas.

d) Os perímetros das vilas, edificios habitables illados, xardíns e parques públicos, áreas recreativas, zonas de acampada, recintos deportivos e calquera outro lugar que polas súas características sexa declarado como tal en razón do previsto no artigo 8.3.

2. Malia o previsto no apartado anterior, a Consellería de Medio Ambiente e Desenvolvemento Sostible, logo de petición dos titulares cinexéticos interesados, poderá autorizar a caza nas vías e nos camiños de uso público, así como nos leitos e nas marxes dos ríos, regatos e canles que atravesen terreos cinexéticos ou constitúan o límite entre eles. Nas resolucións que se diten para o efecto, se son afirmativas, fíxanse as condicións aplicables en cada caso para exercitar a caza baixo a responsabilidade dos titulares da autorización.

3. Calquera persoa física ou xurídica, pública ou privada, poderalle solicitar, fundadamente, á Consellería de

Medio Ambiente e Desenvolvemento Sostible a declaración como zona de seguridade dun determinado lugar cando concorran as circunstancias previstas no artigo 8.3. As ditas zonas, no caso de seren así declaradas, deberán ser sinalizadas polo promotor conforme se determine regulamentariamente.”

Seis.- Engádesse un artigo 25 bis, coa seguinte redacción:

“Artigo 25 bis.- A caza nas zonas de seguridade

1.- Queda prohibido circular con armas de caza cargadas e usalas no interior dos núcleos urbanos e rurais e noutras zonas habitadas ata o límite que acaden as últimas edificacións ou instalacións habitables, ampliado nunha franxa de cen metros en todas as direccións.

2.- No caso de vilas, edificios habitables illados, recintos deportivos, xardíns e parques destinados ao uso público, áreas recreativas e zonas de acampada, o límite da prohibición ao que se refire o apartado anterior será o dos propios terreos onde se atopen instalados, ampliado nunha franxa de cen metros en todas as direccións.

3.- Prohíbese circular con armas de caza cargadas e usalas no caso de autoestradas, autovías, vías rápidas, corredores, estradas nacionais, autonómicas e locais, nunha franxa de cincuenta metros de ancho a ambos os dous lados da zona de seguridade. En ningún caso se poderá disparar en dirección a outros camiños de uso público ou vías férreas.

Nas marxes das vías non incluídas no parágrafo anterior, se as condicións daquelas permiten o exercicio seguro da caza, poderanse cazar ou situar os postos para os zapeos, ganchos ou montarías.

Nos carreiros e camiños rurais pouco transitados, destinados ao paso a pé e ao uso agrícola ou forestal, poderase cazar sempre que as condicións de seguridade o permitan.”

Artigo terceiro.- Modificacións no título III da Lei 4/1997, do 25 de xuño, de caza de Galicia

Un.- Modifícase o contido do número 24 do apartado 1 do artigo 34, que quedará redactado como segue:

“24) Cazar con arma longa raiada, salvo que expresamente se autorice, ou empregar cartuchos de bala ou postas para especies de caza menor ou utilizar municións de perdigóns ou postas para a caza maior.”

Dous.- Engádesse un número 29 ao contido do apartado 1 do artigo 34, co seguinte texto:

“29) Cazar baixo a influencia de estupefacientes, alcohol, substancias psicotrópicas ou calquera outra droga que altere sensiblemente as facultades normais do cazador ou a súa capacidade de reacción.”

Tres.- Engádesse un artigo 35 bis, co seguinte texto:

“Artigo 35 bis.-Taxidermia

Por vía regulamentaria regularase a actividade da taxidermia, na que se preverá, en todo caso, a obriga de levar un libro rexistro no que conste a procedencia do animal e a obriga de absterse de recibir e preparar a peza que non veña acompañada da documentación e dos precintos acreditativos da súa orixe.”

Artigo cuarto.- Modificacións no título IV da Lei 4/1997, do 25 de xuño, de caza de Galicia

Engádesse un apartado 4 ao artigo 45, co seguinte contido:

“4.- Os cazadores que sexan sorprendidos cazando con síntomas de atoparse baixo a influencia de estupefacientes, alcohol, substancias psicotrópicas ou calquera outra droga deberán someterse ás probas de detección, cando sexan requiridos para isto polos axentes ou membros dos corpos e forzas de seguridade do Estado e polo persoal das escalas de axentes forestais e axentes facultativos medioambientais da Xunta de Galicia. Por vía regulamentaria determinaranse o procedemento, as dilixencias que se van levar a cabo e, en xeral, as regras ás que deberá de axustarse esta actuación.”

Artigo quinto.- Modificacións no título VII da Lei 4/1997, do 25 de xuño, de caza de Galicia

Modifícase o contido do artigo 54, que quedará redactado como segue:

“Artigo 54.- Granxas cinexéticas

1.- As granxas cinexéticas teñen a consideración de explotacións gandeiras, consonte prevén a Lei 8/2003, do 24 de abril, de sanidade animal, e o Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras.

2.- A autorización e o rexistro das granxas cinexéticas no Rexistro Xeral de Explotacións Gandeiras corresponderalle á Consellería do Medio Rural, sen prexuízo da necesidade de informe previo e favorable ao dito rexistro da Consellería de Medio Ambiente e Desenvolvemento Sostible.

3.- A Consellería do Medio Rural poñerá en coñecemento da Consellería de Medio Ambiente e Desenvolvemento Sostible o rexistro das granxas cinexéticas no Rexistro Xeral de Explotacións Gandeiras, para os efectos do exercicio das facultades de control na actividade cinexética correspondentes á Consellería de Medio Ambiente e Desenvolvemento Sostible. Neste sentido remitiráselle, xunto coa notificación do rexistro da granxa, unha copia íntegra do expediente.”

Artigo sexto.- Modificacións no título IX da Lei 4/1997, do 25 de xuño, de caza de Galicia

Un.- Engádesse un apartado 41 ao contido do artigo 58, co seguinte texto:

“41) Incumprir a obriga establecida para os talleres de taxidermia, no artigo 35 bis, de levanza dun libro rexistro no que conste a procedencia do animal e mais a obriga de absterse de recibir e preparar a peza que non veña acompañada da documentación e dos precintos acreditativos da súa orixe.”

Dous.- Modifícase o contido do apartado 11 do artigo 59, co seguinte texto:

“11) Cazar baixo a influencia de estupefacientes, alcohol, substancias psicotrópicas ou calquera outra droga que altere sensiblemente as facultades normais do cazador ou a súa capacidade de reacción, cando así o acrediten as probas previstas, ou negarse a realizar as correspondentes probas para a súa detección requiridas polos axentes de autoridade.”

Disposición transitoria única. Aplicación do prazo máximo de cesión dos dereitos cinexéticos

As previsións contidas no apartado segundo do artigo segundo desta lei, relativas á fixación dun prazo de cesión dos dereitos cinexéticos que non superará os vinte e cinco anos, tan só será aplicable aos tecos de nova aprobación, así como a aqueles nos que se proceda á renovación da cesión.

Disposición derradeira única. Entrada en vigor

Esta lei entrará en vigor aos vinte días naturais da súa publicación no *Diario Oficial de Galicia*.

Santiago de Compostela, 14 de setembro de 2006

José Antonio Santiso Miramontes
G.P. Popular de Galicia
Laura Seara Sobrado
G.P. dos Socialistas de Galicia
Ana Belén Pontón Mondelo
G.P. do Bloque Nacionalista Galego

3. Procedementos de control e impulso

3.6. Proposicións non de lei

3.6.2. Proposicións non de lei en Comisión

3.6.2.3. Proposicións aprobadas

A Comisión 4.^a, Educación e Cultura, na reunión do 13 de setembro de 2006, adoptou os seguintes acordos:

Aprobación por unanimidade con modificacións:

- 07/PNC-0133 (7782)

Grupo Parlamentario do Bloque Nacionalista Galego
Parga Núñez, Manuel, e dous deputados máis
Sobre as coidadoras e os coidadores nos centros de ensino
BOPG núm. 145, do 23.05.2006

O texto aprobado é o seguinte:

«O Parlamento insta a Xunta de Galicia para que tome as seguintes medidas:

1.— Proceder á contratación do persoal coidador dos centros de ensino dependentes da Consellaría de Educación por todo

o ano, eliminando o carácter laboral de fixo discontinuo que na actualidade teñen, así como ao resto do persoal que dentro desta consellaría se atopa en idéntica situación laboral, no marco temporal da actual lexislatura, establecendo as medidas oportunas.

2.— Que, dentro do marco laboral pertinente, se proceda á elaboración dun cadro de funcións e competencias deste colectivo.

3.— Analizar as necesidades de formación do persoal coidador dos centros de ensino e que se efectúen as propostas resultantes.»

- 07/PNC-0163(10434)

Grupo Parlamentario do Bloque Nacionalista Galego
Paz Franco, María Tereixa, e dous deputados máis
Sobre a necesidade de realizar melloras no CEP Brea Segade de Taragoña, Rianxo.
BOPG núm. 175, do 09.08.2006

O texto aprobado é o seguinte:

«O Parlamento insta a Xunta de Galicia para que:

1.- Continúe co seu traballo a prol da dignificación e a potenciación dunha escola pública digna e de calidade e que, polo tanto, continúe co seu plan de obras nos centros públicos e coas priorizacións delas, en función das necesidades e da urxencia.

2.- En concreto, no concello de Rianxo, e tendo en conta as peticións realizadas polo concello e pola comunidade educativa e os estudos de prioridade dos técnicos da propia consellaría, que se atendan as necesidades do centro Brea Segade de Taragoña.»

O que se publica para xeral coñecemento.

Santiago de Compostela, 13 de setembro de 2006

Jaime Alberto Pita Varela
Vicepresidente 2.º

A Comisión 8.^a, Pesca e Marisqueo, na reunión do 12 de setembro de 2006, adoptou os seguintes acordos:

Aprobación con modificacións:

- 07/PNC-0131 (7754)

Grupo Parlamentario do Bloque Nacionalista Galego

Sobre a elaboración dun plan para a intervención no caso de sinistros de buques de pasaxe

BOPG núm. 145, do 23.05.2006

O texto aprobado é o seguinte:

«O Parlamento galego insta a Xunta de Galicia para que xestione diante da Administración marítima española que dentro do novo Plan nacional de salvamento marítimo se inclúa un protocolo de emerxencia específica para os buques de pasaxe, vinculado tanto á prestación de asistencia a bordo para a contención dun sinistro, tendo en conta o disposto nos memorandos existentes, coma na resposta operativa unha vez xa producido o accidente.»

O que se publica para xeral coñecemento.

Santiago de Compostela, 12 de setembro de 2006

Jaime Alberto Pita Varela
Vicepresidente 2.º

3.6.2.4. Proposicións rexeitadas

A Comisión 4.ª, Educación e Cultura, na reunión do 13 de setembro de 2006, adoptou os seguintes acordos:

Rexeitamento da iniciativa:

- 07/PNC-0085 (2764)

Grupo Parlamentario Popular de Galicia

López Besteiro, Manuela

Sobre a necesidade de que se establezan bolsas para estudar idiomas no estranxeiro

BOPG núm. 91, do 23.02.2006

- 07/PNC-0121(6148)

Grupo Parlamentario Popular de Galicia

Gómez Alonso, Alejandro, e dous deputados máis

Sobre o outorgamento da Medalla de Ouro de Galicia a título póstumo a Avelino Cachafeiro e aos gaiteiros de Soutelo

BOPG núm. 128, do 28.04.2006

O que se publica para xeral coñecemento.

Santiago de Compostela, 13 de setembro de 2006

Jaime Alberto Pita Varela
Vicepresidente 2.º

A Comisión 5.ª, Sanidade, Política Social e Emprego, na reunión do 7 de setembro de 2006, adoptou os seguintes acordos:

Rexeitamento da iniciativa:

- 07/PNC-0151(9608)

Grupo Parlamentario Popular de Galicia

Bernardo Tahoces, Ángel e 2 deputados máis

Sobre a posta en marcha dun terceiro punto de atención continuada para cubrir a zona do Val do Dubra, na parte norte de Santiago de Compostela

BOPG núm. 167, do 24.06.2006

- 07/PNC-0158(10060)

Grupo Parlamentario Popular de Galicia

Balseiro Orol, José Manuel

Sobre o cumprimento dos compromisos adquiridos e a adopción das medidas precisas para a creación e posta en funcionamento dun punto de atención continuada en Foz

BOPG núm. 175, do 09.08.2006

O que se publica para xeral coñecemento.

Santiago de Compostela, 7 de setembro de 2006

Jaime Alberto Pita Varela
Vicepresidente 2.º

A Comisión 8.ª, Pesca e Marisqueo, na reunión do 12 de setembro de 2006, adoptou os seguintes acordos:

Rexeitamento da iniciativa:

- 07/PNC-0165 (10918)

Grupo Parlamentario Popular de Galicia

Balseiro Orol, José Manuel, e Ruíz Rivas, Manuel Santos

Sobre a adopción das medidas e previsións precisas para lles posibilitar o acceso ás axudas do Plan de recuperación do polbo aos titulares e ás tripulacións de embarcacións que teñan liña e cordel

BOPG núm. 175, do 09.08.2006

O que se publica para xeral coñecemento.

Santiago de Compostela, 12 de setembro de 2006

Jaime Alberto Pita Varela
Vicepresidente 2.º

BOLETÍN OFICIAL DO PARLAMENTO DE GALICIA

ESTRUCTURA

1. PROCEDEMENTOS DE NATUREZA NORMATIVA
 - 1.1 LEIS E OUTRAS NORMAS
 - 1.2 PROXECTOS E PROPOSICIÓNS DE LEI
 - 1.3 OUTRAS PROPOSTAS DE NORMAS
2. PROCEDEMENTOS ESPECIAIS DE CARÁCTER INSTITUCIONAL
 - 2.1 INVESTIDURA
 - 2.2 MOCIÓN DE CENSURA
 - 2.3 CUESTIÓN DE CONFIANZA
3. PROCEDEMENTOS DE CONTROL E IMPULSO
 - 3.1 CONTROL SOBRE AS DISPOSICIÓNS DA XUNTA CON FORZA DE LEI
 - 3.2 COMUNICACIÓNS DA XUNTA DE GALICIA
 - 3.3 EXAME DE PROGRAMAS E PLANS
 - 3.4 ACORDOS, RESOLUCIÓNS OU PROPOSTAS DE COMISIÓNS ESPECIAIS OU DE INVESTIGACIÓN
 - 3.5 MOCIÓNS
 - 3.6 PROPOSICIÓNS NON DE LEI
 - 3.6.1 PROPOSICIÓNS NON DE LEI EN PLENO
 - 3.6.2 PROPOSICIÓNS NON DE LEI EN COMISIÓN
 - 3.7 OUTRAS PROPOSTAS DE RESOLUCIÓN
 - 3.8 PROCEDEMENTOS DE CONTROL ECONÓMICO E ORZAMENTARIO
4. PROCEDEMENTOS DE INFORMACIÓN
 - 4.1 SOLICITUDES DE COMPARECENCIA
 - 4.2 INTERPELACIÓNS
 - 4.3 PREGUNTAS
 - 4.4 RESPOSTAS A PREGUNTAS
 - 4.5 SOLICITUDES DE DATOS, INFORMES E DOCUMENTOS
5. PROCEDEMENTOS RELATIVOS A OUTRAS INSTITUCIÓNS E ÓRGANOS
 - 5.1 SOLICITUDE AO GOBERNO DO ESTADO DA ADOPCIÓN DE PROXECTOS DE LEI
 - 5.2 PROCEDEMENTOS RELACIONADOS CO TRIBUNAL CONSTITUCIONAL
 - 5.3 VALEDOR DO POBO
 - 5.4 CONSELLO DE CONTAS
 - 5.5 OUTRAS INSTITUCIÓNS E ÓRGANOS
6. ELECCIÓN, DESIGNACIÓNS E PROPOSTAS DE NOMEAMENTO
 - 6.1 SENADORES EN REPRESENTACIÓN DA COMUNIDADE AUTÓNOMA
 - 6.2 VALEDOR DO POBO E VICEVALEDORES
 - 6.3 CONSELLEIROS DE CONTAS
 - 6.4 TERNA PARA A PROVISIÓN DE VACANTES DO TRIBUNAL SUPERIOR DE XUSTIZA DE GALICIA
 - 6.5 VOCAIS DA XUNTA ELECTORAL DE GALICIA
 - 6.6 MEMBROS DO CONSELLO DE ADMINISTRACIÓN DA COMPAÑÍA DE RADIO-TELEVISIÓN DE GALICIA
 - 6.7 MEMBROS DO CONSELLO ASESOR DE RADIO-TELEVISIÓN ESPAÑOLA EN GALICIA
 - 6.8 VOCAIS DOS CONSELLOS SOCIAIS DAS UNIVERSIDADES DE GALICIA
 - 6.9 VOCAIS DO CONSELLO DE BIBLIOTECAS
 - 6.10 DELEGACIÓN PARA A DEFENSA DE PROPOSICIÓNS DE LEI DO PARLAMENTO DE GALICIA NO CONGRESO
 - 6.11 OUTRAS ELECCIÓN, DESIGNACIÓNS OU PROPOSTAS DE NOMEAMENTO
7. COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO
 - 7.1 COMPOSICIÓN DO PARLAMENTO E OS SEUS ÓRGANOS
 - 7.2 RÉXIME E GOBERNO INTERIOR
 - 7.3 ORGANIZACIÓN E FUNCIONAMENTO DO PARLAMENTO
8. ADMINISTRACIÓN PARLAMENTARIA
 - 8.1 ORGANIZACIÓN E NORMAS DE FUNCIONAMENTO DOS SERVICIOS DA ADMINISTRACIÓN PARLAMENTARIA
 - 8.2 PERSOAL
 - 8.3 ACTIVIDADES DA ADMINISTRACIÓN PARLAMENTARIA
9. INFORMACIÓNS E CORRECCIÓNS DE ERROS
 - 9.1 INFORMACIÓNS
 - 9.2 CORRECCIÓNS DE ERROS



BOLETÍN OFICIAL DO PARLAMENTO DE GALICIA

Edición e subscricións: Servicio de Publicacións do Parlamento de Galicia.
Hórreo, 63. 15702. Santiago de Compostela. Telf. 981 55 13 00. Fax. 981 55 14 25